

Načelnik Općine Stari Grad Sarajevo, na osnovu ovlaštenja utvrđenih članom 15. Zakona o principima lokalne samouprave (Sl.novine F BiH broj 49/06) i člana 70. Statuta Općine Stari Grad Sarajevo-prečišćeni tekst (Sl.novine Kantona Sarajevo broj 31/08) raspisuje

**Nagradni konkurs – Natječaj
za izradu suvenira Općine Stari Grad Sarajevo**

1. Suvenir treba da bude odraz tradicije, kulturne, historijske i materijalne baštine Općine Stari Grad Sarajevo;
2. Suvenir treba da bude izrađen od materijala prema zamisli autora, s opisom izrade, veličine, boje i materijala od kojeg će se proizvoditi. Za izradu se mogu koristiti samo stabilni i ekološki prihvatljivi materijali kao što su: keramika, kamen, metal, terakota, drvo, tekstil, koža, papir i sl.;
3. Autor treba dostaviti jedan primjerak suvenira u originalnoj veličini i materijalu, s objašnjenjem ideje;
4. Učešće na nagradnom konkursu je anonimno. Rad se označava šifrom na poleđini svakog prijedloga. Uz rad se prilaže zatvorena koverta sa označenom šifrom: naznakom "autor" u kojoj su sadržani podaci o autoru (ime i prezime, matični broj, izjava da je predloženi rad izvorno autorsko djelo, kontakt telefon/fax, e-mail, te potpis autora);
5. Svaki autor može dostaviti više prijedloga, a svaki rad se mora posebno označiti šifrom;
6. Ocijenjivaće se samo blagovremeno prispjeli prijedlozi;
7. Ocjenu prijedloga vršiće posebna Komisija za izbor suvenira Općine, formirana rješenjem Općinskog načelnika broj 01/1-05-133/09 od 17.04.2009. godine i 01/1-05-01-213/09 od 08.06.2009. godine (u daljem tekstu: Komisija). Svi prispjeli radovi će nakon završetka rada Komisije odnosno izbora, biti javno izloženi;
8. Ukoliko Komisija utvrdi da je kvalitet pristiglih radova zadovoljavajući, donijeće Odluku o dodjeli jednokratnih otkupnih nagrada:

- ❖ **prva nagrada u iznosu od 5.000,00 KM**
- ❖ **druga nagrada u iznosu od 3.000,00 KM**
- ❖ **treća nagrada u iznosu od 2.000,00 KM**

9. Isplatom nagrada autorima, sva autorska prava prelaze na Općinu Stari Grad Sarajevo.
Na ovaj način Općini će se ustupiti ekskluzivno pravo korištenja, uz mogućnost da se sa autorom nagrađenog rješenja, ukoliko autor može proizvoditi suvenir koji je nagrađen i otkupljen, sklopi ugovor o izradi suvenira. Za realizaciju izrade suvenira sklopiće se poseban ugovor;
10. Komisija ima pravo konsultacije sa autorom prvonagrađenog rada o konačnom rješenju;
11. Ukoliko Komisija utvrdi da ni jedan od prispjelih prijedloga ne zadovoljava kriterije konkursa, zadržava pravo da ne izabere nijedno rješenje;
12. Pravo učesća na nagradnom konkursu imaju svi punoljetni državljani BiH. Članovi Komisije i njihova bliska rodbina ne mogu sudjelovati u nagradnom konkursu;
13. Prijedloge dostaviti nakasnije do 16.11.2009. godine (ponedjeljak), bez obzira na način dostavljanja, poštom na adresu: Općina Stari Grad Sarajevo – Zelenih beretki 4, Sarajevo, sa naznakom "Za nagradni konkurs za izbor suvenira Općine Stari Grad Sarajevo" ili lično putem protokola Općine na šalteru za prijem podnesaka – broj 7.
Sve prispjele ponude preuće zapisnički, sekretar Komisije Diana Salihbegović, slijedećeg dana po isteku roka za prijem prijedloga;
14. Dodatne informacije se mogu dobiti u Općini Stari Grad Sarajevo-u uredu Sekretara organa državne službe Diane Salihbegović na tel 033/282-404/405;
15. Nepotpune i neblagovremene ponude neće se razmatrati;
16. Svi učesnici će biti pismeno obavješteni o rezultatima konkursa. Prijedlozi suvenira koji ne budu izabrani biće vraćeni autorima;
17. Prijavom na nagradni konkurs učesnici neopozivo prihvataju sve tenderske uslove;
18. Ovaj nagradni konkurs se objavljuje u dnevnim listovima "Dnevni avaz", "Oslobođenje" i "SAN", TV "Hayat" i na službenoj stranici Općine Stari Grad Sarajevo – www.starigrad.ba.